



Газет 2013 жылдың  
қыркүйек айынан бастап шығады

# ЖАСТАРЫ

Қызылорда облыстық жастар газеті

№ 13 (498)  
30 наурыз, 2023 жыл

## «БИЛІККЕ ОЙЫ ОЗЫҚ, БІЛІМДІ ЖАСТАР КЕЛУ КЕРЕК»

**Қазақстанның даму жолындағы айқын қадамдарын жеткізді.**

– Ел жастары әрдайым менің айрықша назарымда екені баршаға мәлім. Мен билікке ойы озық, білімді жастар келуі керек деп үнемі айтамын. Өскелең ұрпақты ел ісіне баулу – өте маңызды мәселе. Олар қоғамға жаңа құндылықтар әкелуге тиіс. Сайлау кезінде жас кандидаттар бірігіп, өз тобын құрғаны белгілі. Осы одақтың белсенді мүшелері Парламентке және мәслихаттарға өтті. Осылайша, өкілді билік тармағына саясаткерлердің жаңа буыны келіп жатыр. Жастар мұны елімізді дамытуға берілген бірегей мүмкіндік деп бағалауы қажет, – деді Қасым-Жомарт Кемелұлы.

Сонымен қатар ел Президенті сайлау алдында ауылдағы кәсіпкерлікті дамыту қажеттігі туралы айтқанын еске салды. Ел дамуы жолындағы ең басты бағыттардың бірі ретінде бұл салаға баса назар аударылған. «Оны ауыл шаруашылығы кооперациясы арқылы жүзеге асыру керек. Сол үшін «Ауыл аманаты» жобасы қолға алынады.

несие беріледі. Ауыл шаруашылығы кооперативтері халыққа қызмет көрсету және өнім өткізу үшін құрылады. Оларға құрал-жабдық және техника сатып алу үшін субсидия беріледі. Осы мақсатқа 1 триллионға жуық теңге бөлінеді» деп тоқталып өтті.

Әлбетте, қоғамның қай саласында болса да жастардың үлес салмағы басым. Қоғамның қозғаушы күші деген атқа ие болған қатардың әсіресе, білім, медицина салаларында ерекше орны бар. Бұл ретте Қасым-Жомарт Кемелұлы аталған салалардың маңызын арттыруда Президенттік жастар кадрлық резервін үлгі ету керігін айтты.

– Білім беру саласында ұстаз – ең басты тұлға. Оның қоғамдағы абырой-беделін арттыра беруіміз керек. Алайда мұғалімдердің, директорлардың және педагогикалық оқу орындары түлектерінің көпшілігі Ұлттық біліктілік емтиханынан өте алмады. Маған кейбір тәжірибелі ұстаздар тиісті министрлік дайындаған тапсырмалар тым күрделі деп шағымданды. Бәлкім, оны жеңілдету, жетілдіру керек шығар. Бұл салада қатып қалған қатаң ереже болмауы керек. Бірақ негізі,

ұстаздарға қойылатын талап жоғары болуға тиіс. Мұғалім тапшылығын желеу етіп, мектепке кез-келген адамды жұмысқа ала беруге болмайды. Мұндай әрекет ұстаздардың біліктілік деңгейін күрт төмендетеді. Білім беру жүйесіндегі менеджментті жақсартуға баса мән берілуге тиіс. Осы салаға нағыз кәсіби мамандарды тарту қажет. Бізде Президенттік жастар кадр резерві бар. Дәл сол сияқты білім саласына өзгеріс әкелетін мың маман арнайы дайындықтан өтетін болады. Осыған орай тиісті бағдарлама қабылданады. Кадр мәселесі жоғары білім беру жүйесі үшін де өте өзекті, – деді Президент.

«АЖ» ақпарат



**Мемлекет басшысы Қасым-Жомарт Тоқаев VIII сайланған Парламенттің бірінші сессиясының ашылуына қатысты. Ел Президенті онда көптеген мәселелерге тоқталды. Ел экономикасын арттыру, ауылды дамыту бағытындағы түрлі бағдарламалардың қолға алынып, жаңа**

**Ауыл тұрғындарына 5-7 жылға жылдық өсімі 2,5 пайыз болатын шағын**

**құрылысы он екі айда аяқталады деп жоспарлануда.**

**Ай-бынды**

**Ақмешіт жаңа күйге бөленуде. Күн санап көркейіп, жыл санап жаңарған Қызылорданың кіреберіс бөліктері адам танымастай өзгермек. Бүгінде Бейбарыс сұлтан көшесін кеңейту жұмыстары қарқын алған. Қала орталығындағы бұл көшенің жалпы ұзындығы – 4,2 шақырым.**

**Ақпан айында басталған жолдың**

**Технология дамып, көп нәрсеге қолжетімділік артқан сайын интернет алаяқтарының құрығы ұзаруда. Аталған мәселе тек Қазақстанның өзекті, әлемнің назарын аударатындай өзекті. Осыған орай облыс көлемінде интернет алаяқтыққа қарсы іске асырылып жатқан іс-шаралар**

**мен алдын алу туралы ОПД Криминалды полиция басқармасы бастығының орынбасары Рустам Сайдылдиновпен сұқбаттасқан едік.**

**– Рустам, интернет алаяқтықтың жиі кездесетін түрлеріне тоқталсаңыз...**

– Мойындау керек, интернет пен цифрлы технологиялардың кеңінен таралуы жаһандану құрылымын ғана емес, қылмыс әлемінің сипатын, соның ішінде қылмыс түрін түбегейлі өзгертті. Әлеуметтік желілер мен түрлі интернет платформалар тек ақпарат алмасу тетігі болып қоймай, сауда-саттықтың басты алаңына айналды. Осы ретте ақпараттық технологиялар мен интернеттің мүмкіндіктерін мықты меңгерген алаяқтардың құрығы ұзарып, күн сайын мың құбылған алдап-арбау тәсілдеріне тыйым болмауда. Интернет-алаықтардың басқалардан басты айырмашылығы – оларды анықтап, жауапкершілікке тартудың күрделілігі. Себебі қылмыс толығымен интернет арқылы жүзеге асатындықтан алаяқтың кім екені, қайда екені белгісіз. Шетелде жұмыс істейтін қылмыскерлерді табу тіптен қиын. Өдетте алаяқтар жәбірленушілерді сауда-саттықтағы жалған жеңілдіктермен, қаржыны өте аз пайызбен еселеп берумен, тауарын

**тиімді шарттармен сатып алумен қызықтырады, сондай-ақ полиция қызметкерлерінің атын жамылып, жақын туысының есірткі затымен ұсталып тұрғанын айтып, қаржы бопсалайтындар да бар. Интернет алаяқтық онлайн несие рәсімдеу сайттары, «ОIX», «Vipance» криптобиржа алаңдары, «Колесо.кз», «Крыша.кз» сайттары, whatsapp, instagram әлеуметтік желілерінде жиі кездеседі.**

**– Өңірдегі ахуалы қандай?**

– Жыл басынан бері облыста алаяқтық қылмысы бойынша 29 дерек тіркеліп, көрсеткіш өткен жылмен салыстырғанда 64 процентке төмендеді. Облыс тұрғындарына алаяқтардың арбауына түспеу, күнделікті интернет-алаықтық қылмыстарын болдырмау мақсатында түсіндірме жұмыстары жүргізіліп, арнайы бейнероликтер әлеуметтік желілерге тұрақты түрде жарияланады. Сонымен қатар ҚР Қаржы нарығын реттеу және дамыту агенттігі ІІМ-нің өңірлік департаменттерімен бірлесіп, халықтың қаржылық сауаттылығын арттыру мақсатында «findmotok.kz» ресми сайты әзірленіп, жұртшылық назарына ұсынылды.

**– Интернет-алаықтықтың негізгі құрбандары кімдер?**

– Қазір еңбектеген баладан еңкейген қартқа дейін ұялы телефонға байлаулы. Сондықтан интернет-алаықтықтың құрбанын нақты жасқа



орталығында келтіліс азайып, жол кеңеймек.

– Сапалы болу үшін тиісті мекемелермен күнделікті қадағалау жүргізілуде. Күз мезгіліне дейін халық игілігіне табыс-талатын болады, – деді қалалық тұрғын үй-коммуналдық шаруашылық, автомобиль жолдары және жолаушылар көлігі бөлімі басшысының орынбасары Дархан Бақтияров.

Қала аумағындағы көлік қозғалысы толастамайтын маңызды көшелердің бірі болғандықтан, көпшілік көз алмай, тамашалап отыр. Облыс орталығындағы күретауы деп те атауға болады. Ал оның төрт жолақты болып, кеңейтілуі – жол қозғалысын ұйымдастырудағы тиімді тетік екені даусыз.

**Дәулет ҚЫРДАН,  
Суретке түсірген  
Нұрболат  
НҰРЖАУБАЙ**

**Ақпарат – жаңа дәуірдің жойылмайтын басты қаруы. Бір ғана жалған ақпарат миллиондаған адамның өміріне қауіп төндіруге қауқарлы.**



**Интернет алаяқтықтың құрбаны көп**

Сұқбаттасқан  
Дина БӨКЕБАЙ



**– Асқат, киімге принт басу идеясы қалай туындады?**

– Өзім Қорқыт Ата атындағы Қызылорда университетінің «Рекрутинг және мансап» басқармасында қызмет етемін. Киімге принт салу идеясы студент кезден ойда болды. Ол кезде кәсіп бастау қаржылық жағынан қиын соқты. Жақсы идея – жарты жеңіс. Араға уақыт салып аталған кәсіпті 3 жігіт болып 5 ай бұрын бастадық. Елнұр Әбілқасым, Нұртілек Тоқтасын үшеуіміз студент кезден доспыз. Нұртілек – университеттің медиа орталығында қызметкер. Елнұр риэлторлық компанияда жұмыс істейді. Яғни, принтпен киім дайындау біздің қосымша табысымыз. Бірақ бастамамыздан табатын табысымыз айлығымыздан көп. Ең бастысы хоббиіміз сынды сүйікті істің бірі. Үшеуіміз жұмыстан кейін жиналып, барлық тапсырысты кешкі уақытта жасаймыз. Барлық керек-жарақ, техникаларды үшеуіміз қаржы жинап сатып алдық. Қазір осы кәсіпке құйған

Соңғы уақытта заманауи қазақы нақыштағы киімдер трендте. Қиялына қарай түрлі суреттер мен ел тәуелсіздігіне елеулі еңбек еткен ата-бабаларымыздың айтқан сөзін, алашордалықтардың бейнесін арнайы тапсырыспен киімге бастырып алатындардың да қатары қалың. Бұл бүгінгімізді жасаған өткен күннің қаһармандарын ұмытпайтынымызды, жадымызда қайта жаңғыртып жатқанымызды білдіреді. Кейіпкеріміз Асқат Мырзабай – жас кәсіпкер. Киімге принт басу арқылы өңірде ғана емес, өзге қалаларда да жеке брендин дамытып келе жатқан азаматпен кәсібі мен алдағы жоспарлары жөнінде тілдескен едік.



# АРМАНҒА ЖЕТУ ЖОЛЫ: АЗ – АЗДАН ҮЗДІКСІЗ

ақшамыз ақталып, тұрақты пайда түсіруде. Негізінен бізге көбіне жеке компаниялар, мектептер, жеке орталықтар, ойын-сауық орталықтарынан ұжымдық киімдер дайындауға тапсырыс түседі. Ал жеке адамдардан көбіне сыйлық ретінде арнайы мерекелерде жиі тапсырыс қабылдаймыз.

**– Жұмыс барысына тоқталсаңыз...**

– Киімнің барлық түріне принт әзірлейміз. Негізі киімге принт басудың 4 түрлі механизмі бар: сублимация, ДТФ, флекс, тігін. Аталған механизмнің

кез келген түрімен түрлі матадағы киім, материал, саптыаяқ, блокнот, ыдыс-аяқ, шоппер сынды заттарға принт жасаймыз. Осы уақытқа дейін өңірдегі университет, колледж, мектеп, ресторан, кафелерге көптеген мерч дайындап бердік. Сайлау кезінде партияларға агитациялық жұмыстар үшін арнайы киімдер де дайындадық.

Дәл қазіргі сәтте Алматы қаласындағы бір компаниямен жұмыс істеп жатырмыз. Ай сайын тұрақты 1000

дана жұмыс дәптері және 1000 дана блокнот жасап салып жіберудеміз. Яғни, киімге принт басудан бөлек кішігірім копицентр ретінде де қызмет көрсетеміз. Орталықтың өзі, әлеуметтік желідегі парақшалары «Qazaq vibe» деп аталады. Себебі алғаш кәсіп бастайтын кезде тек қазақы нақыштағы дүниелер дайындаймыз деп жоспарлаған болатынбыз. Бірақ тұтынушылар сұранысына байланысты әртүрлі бағытта жұмыс атқарудамыз.

**– «Бай болу үшін кәсіп көрек» дейді Ахмет Байтұрсынұлы. Кәсіпті дамыту үшін жоспарлы жұмыс қажет. Алдағы жоспарларыңызбен бөліссеңіз...**

– Алдағы уақытта «Qazaq vibe» қазақы нақыштағы заманауи киімдер дүкені желісіні ашып, жеке бренд қалыптастыруды жоспарлап отырмыз. Республикамыздың көптеген қалаларынан филиал ашсақ деп ойлаймыз. Өзірге бұл мақсаттарға қол жеткізу үшін тек дизайнерлермен киім үлгілерін дайындап жатырмыз.

Бұйырса, жыл соңына дейін заманауи, күнделікті өмірге де икемделген қазақы нақыштағы киімдер тұтынушыларға ұсынылатын болады. Арманымыз айқын. Жоспар көп. Бастысы, үшеуіміздің достығымыз, бірлігіміз бекем болсын. Тәуекел етіп, тынымсыз әрекет жасасақ, қолдан келмейтін, іске аспайтын арман жоқ деп ойлаймын.

**– Жаңа бастамаларға сәттілік!**

**Сұқбаттасқан Дина БӨКЕБАЙ**



Таң қылаң бере басталған тірлік күн ұясына батқан соң барып, бір дамылдайды. Өйткені түтіні түзу ұшқан берекелі отбасының нәпақасы мал шаруашылығынан табылып тұр. Кәсіптен береке іздеген Азат Балғабайұлы мектеп бітіре сала, темір тұлпарды тізгіндеп, облыс аумағын аралап, шаруалардың қолынан мал саудалап, оны бірнеше ай бордақылаумен айналысты. Қолына қамшы ұстаған малшы ағайынның басы қосылатын орталықтағы мал базары мен Қоғалыкөлдің арасында талайдың төрт түлігін жеткізіп беріп, нәпақасымен қоса алғыс-батасын да алып жүр. Ал жары Мөлдір Құдай берген балалардың тәрбиесінен бөлек, қол қусырып қарап отырмай, ірі қараны сауып, сүт өнімдерін өндірумен айналысады. Шеке шылқып байып кетпесе де, күнделікті ішер ас, жер нанынды табатын осы саланың отымен кіріп, күлімен шығып жүрген жандар.

– Еңбек етіп, маңдай терінді төкпесең, нәпақанды табу қиын. Күннің ыстық-суығына қарамай, тынымсыз тірлік ететін саланың бел ортасында жүрміз. Қазақтың атакәсібі қай уақытта да мінберде жүру керек. Қолы қимылдағанның ғана аузы жыбырлайды. «Алма піс, аузыма түс» дейтін кез емес. Отбасымның қажетін қамтып, балалардың болашағын нықтау үшін осылай қам-қарекет қыламыз. Өйтеуір, бәріміздікі нан талап. Мал шаруашылығы ауырдың үстімен, жеңілдің астымен

жүретіндердің орны емес. Осы салада жүргеніме 17-18 жылдай болды. Алдыңғы толқыннан үлгі алып, кейінгіге үйретіп келеміз, – дейді Азат Балғабайұлы.

Жас отбасы – бақыт кеп тұрақтап, шаттық кернеген шаңырақ. «Адам бала саны мен мал санын айтпайды» деп күлген Азекеннің отбасында Құдай берген перзенттері өсіп келеді. Көпбалалы отбасы. Отанасы Мөлдір Мейрамбекқызы өткен жылы мемлекеттің көпбалалы отбасыларға бағытталған 400 АЕК көлеміндегі қолдау грантын жеңіп алып, сүт өнімдерін өндірумен айналысып келеді. Құрт-майы, қатығы мен айраны талай жұрттың таңдайында дәмі тіл үйіріп, үлкен сұранысқа ие болған. Алдағы уақытта бұл кәсіпті де дамытып, үлкен өндіріс орнына жеткізуге оның ынта-ықыласы мен ұмтылысы жетеді. Еңбектенген жанның несібесін қалмайтыны анық. Бүгінде ауыл жастарына үлгілі отбасы.

– Сиыр сауып, сүт өнімдерін сатып отырмыз. Халық қазір табиғи өнімге барынша назар аударған. Өйткені, осы күні дүкендегі түрлі қоспадан дайындалатын сүттердің бағасы қолдың сүтінен қымбат. Халықтың қалтасына қонымды бағада өнім өндіргеннің бір жақсысы – ақысын аласың әрі алғысқа бөленесің. Тек ауыл ішіне ғана емес, облыс орталығына да апарып сатамыз. Оның нәтижесінде тұтынушылар қатары артады. Ал мұнан соң мал басын көбейтіп, өнімді де арттыруға

мүмкіндік бар. Кәсіпте жүрген соң жан-жақты зерттеп, ойланып жүресің. Барлығының басы-қасында отағасым жүреді, бастамасын да көтереді. Өйтпесе, әйел адамға мал шаруашылығы оңай шағылар жаңғақ емес, – дейді Мөлдір Мейрамбекқызы арқа сүйер азаматын құрметтейтінін көрсетіп.

Қай істе де бірге қол ұстаса жүретін жас отбасының тірлігіне қарап, нағыз істің адамы осылай болса дерсің?! Балаларын да бұғанасы қатпай жатып, еңбекке баулып жүр. Ұлдарының үлкендері Ринат пен Саламат



**Бүгінде күбі пісіп, май шайқайтын, құрты мен қатығы дастарқанының төрінен орын алған отбасы кемде-кем. Шалғай жатқан малшы ауылда болмаса, бүгінгі ауылдардың көпшілігінде төрт түлігін сай етіп, ағарғанын алдына тоспақ түгілі, шәйға сүтті дүкеннен «Мое»-ны арқалап келетін ағайын көп. Бұл тұрмыстың төмендегенінен де емес, тек мал асырау қиындап кеткен дәуірдің бір себебі болуы да мүмкін. «Еңбектің наны тәтті» деген ұстанымды алға қойып, осы бір қиыншылықтарға төтеп беруде жұртқа үлгі болып жүрген қоғалыкөлдік ерлі-зайыпты Азат Балғабайұлы мен Мөлдір Мейрамбекқызы – атакәсіпті жолға қойып, бейнеттің зейнетін көріп жүр.**

## КӘСІПТЕН ТАПҚАН БЕРЕКЕ

қолғанатына айналған. Олар да кішкентайынан маңдай тердің ақ адал наны қалай болатынын ұғынып өсіп келеді.

– Қазақ бала тәрбиесіне ерекше ден қойған. Ұлтымыздың тәлім қағидасында жеті жасына дейін баланы патшасындай көреді, он үшінә дейін құлындай жұмсайды. Ал он үштен кейін досындай сырласады. Бала ата-анадан ешнәрсені жасырмауы керек, ойын айтуға қысылмауы керек. Одан соң «Ұяда не көрсен, ұшқанда соны ілерсің» дейді дана халқымыз. Балалардың ойында өмірлік ұстаз, үлгілі жан болу үшін жат әдеттерден бойымызды

аулақ салып келеміз. Олардан талап ететін болмыс пен қасиет өзіміздің де бойымыздан табылуы керек. Міне, сонда ғана балаға ақыл айтып, ойындағы үлгілі образға жетелей түседі. Біздің кішкентай мемлекетімізде осындай қағидалар қатаң сақталады, – дейді Азат Балғабайұлы.

Мемлекет басшысынан бастап, қазір барлық жерде еңбек адамына құрмет көрсету күн тәртібінде тұр. Ауыл өнімдерімен жұртшылықты қамтамасыз етіп, нәпақасын еңбекпен тауып жүрген жандарға

**Дәулет ҚЫРДАН, Сырдария ауданы. Суретке түсірген Нұрболат НҰРЖАУБАЙ**



## ТЕАТР ҰЖЫМЫ МАРАПАТ ТӨРІНДЕ

**А.Тоқмағамбетов атындағы қалалық мәдениет үйінде Халықаралық театр күніне орай Жастар театрының ұжымы «Олимптің күйреуі» мифологиялық драмасын көрермен назарына ұсынды.**



Шараға қала әкімінің орынбасары Жанмұрат Сейілов қатысты. Жалпы, өнер атаулының ішіндегі шоқтығы биігі – театр. Театр адам баласының жан дүниесін байытып, ізгілік пен зұлымдық, махаббат пен қиянат сынды қасиеттердің ара жігін ажыратуға, адамгершілікке тәрбиелейді. Әсіресе, ескелең ұрпақтың бойындағы мәдениетті дамытуда рөлі айрықша.

– Жастар театры ұжымын алғаш үйірме ретінде ашылған сәттен жақсы білемін. Театр мәселесінің ең жаңды жері – репертуар болса, өнер ұжымы бұл күнде түрлі жанрмен жаратанып, шырқау шыңдарға беттеп барады десем қателеспеймін, – деді Ж.Сейілов.

Сондай-ақ, Н.Бекежанов атындағы қазақ музыкалық академиялық драма театрының директоры Мұхтар Ниязов белгілі өнер тарланы Оңталап Нұрмаханов бастаған Жастар театры ұжымына шығармашылық табыс тіледі.

Қала әкімінің орынбасары театр артистерін кәсіби мерекемен құттықтап, облыс, қала басшылығының арнайы Алғыс хаттарын табыс етті.

## ҚАЙЫРЫМДЫЛЫҚ АКЦИЯСЫ ӨТТІ



**Сыр өңіріндегі Зияткерлік мектеп оқушылары, ата-аналары және ұстаздары аймағымыздағы Қарттар мен мүгедектерге арналған интернет үйінде болып, қайырымдылық акциясын өткізді.**

«Алаш» және «Бұхарбай батыр» шаңырақ белсенділері интернет тұрғындарына концерттік бағдарлама әзірледі. Өнерпаздар ұлттық би мен патриоттық әндер орындаса, аспаптар ансамблі қазақтың күмбірлеген қара домбырасында ойнап, тыңдарманға жырдан алқа тақты.

Бүгінде мекемеде 179 адам, оның ішінде 71 мүмкіндігі шектеулі жан мен 99 қарт тұрмыстық, медициналық және әлеуметтік көмек алып жатыр. Концертке келген ақ жаулықты әжелер мен ақсақалдар оқушылармен бірге сүйікті әндерін шырқады.

Концерт соңында ұйымдастырушылар асыл қазынамыз – қарттарды көктем мерекесімен құттықтап, кесте тоқу, тоқыма жасау және ағашпен жұмыс жасауға қажетті құрал-саймандарды сыйға тартты.

## ҮЗДІК ОЛИМПАДАЛЫҚ КОМАНДА

**Шымкент қаласында жаратылыстану-математика бағытындағы пәндер бойынша республикалық олимпиада өтті.**



Білім додасына 9-11 (12) сынып оқушылары математика, физика, химия, биология, география және информатика пәндері бойынша бақ сынады.

Жалпы білім беретін пәндер бойынша өткізілген олимпиаданың республикалық кезеңіне Сыр өңірінен 38 оқушы қатысып, 18 оқушы жүлделі (5 оқушы – I орын, 5 оқушы – II орын, 8 оқушы – III орын) орын иегері атанса, 2 оқушы грамотамен марапатталды. Сондай-ақ 3 оқушыға М.Әуезов атындағы Оңтүстік Қазақстан университетінің білім гранты табысталды.

Сайыс қорытындысымен Қызылорда облысының командасы «Ең үздік олимпиадалық команда» аталымын иемденді.

Ағымдағы жылдың 3-7 сәуір күндері қоғамдық-гуманитарлық бағытындағы пәндер бойынша өтетін республикалық олимпиадаға 29 өрен қатысатын болады.

## МАҢЫЗДЫ САЛАДАҒЫ ІЛКІМДІ ІСТЕР

Ветеринариялық іс-шаралар – ҚР «Ветеринария туралы» Заң талаптарына сәйкес, халық денсаулығын бұған қоса жануарларды қорғауға, ем шараларын жүргізуге, ветеринариялық-санитариялық, профилактикалық іс-шаралармен қамтамасыз етуге бағытталған кешен.

Қызылорда қаласы бойынша биыл эпизоотияға қарсы ветеринариялық іс-шараларды жүргізу 11 ауру түріне (8 вакцинация, 2 аллергиялық зерттеулер мен 1 дегельминтизация) қарсы вакцинациялау шаралары, диагностикалық зерттеуге қан сынамаларын алу жұмыстары жүргізілуде.

Сонымен қатар мүйізді ірі қара малының өттеуі, мүйізді ірі қара малының пироплазмозы, уақ малдың бауыр құрты ауруы, жылқының гастропилезі, жылқының сақау ауруына, түйенің қатпа ауруы сияқты аурулардың алдын алу бағытындағы ветеринариялық іс-шаралары да қоса атқарылды.

Ауыл шаруашылығы жануарларын бірдейлендіру бағдарламасы бойынша ҚР АШМ-нің 2015 жылғы 30 қаңтардағы №7-1/68 бұйрығына сәйкес, бірдейлендіру іс-шаралары, биылғы жылдың ақпанынан бастап ауыл шаруашылығы жануарларын есепке алу шаралары жүруде. Қызылорда қалалық полиция басқармасының 2021-2023 жылдарға арналған бірлескен жоспарындағы ветеринария саласында құқық бұзушылықтарға қарсы іс-қимыл бойынша қала көлемінде мал базары

мен мал сою алаңдарына қалалық жергілікті полиция басқармасымен бірлесіп рейдтік шара ұйымдастырылды. Ветеринариялық санитариялық мақсатында заң талаптарын сақтамаған 4 азаматқа ҚР «Әкімшілік құқық бұзушылық туралы» кодекстің 406-бабына сәйкес хаттама толтырылып, айыппұл салынды.

Қазіргі таңда ветеринариялық талаптарды сақтамаған, белгіленбеген жерде балық, жануарлар және жануарлар өнімін сатқан азаматтарға қалалық полиция басқармасы арқылы ескерту берілуде.

БАҚ-та және «фейсбук» әлеуметтік желісіне ветеринария саласына қатысты өзекті мәселелер, соңғы жаңалықтар жарияланып, атқарылған ветеринариялық іс-шаралар жөнінде түсіндірме жұмыстары тұрақты жүргізілуде.

**Б.АХМЕТОВ,  
ВБЖҚК  
Қызылорда  
қалалық  
аумақтық  
инспекция  
басшысы**

Биыл еліміздің жетекші университеті әл-Фараби атындағы Қазақ ұлттық университетінің құрылғанына 88 жыл толып отыр. 1934 жылдың 15 қаңтары Қазақстандағы тұңғыш көп салалы университеттің ресми ашылу күні болып саналады. Сол күні оқытушы-профессорлар құрамы туралы бұйрыққа қол қойылып, алғашқы студенттерді қабылдау басталды. Оқу орны құрылғалы бері Қазақстанның әлеуметтік-саяси өміріне және экономикасына аса зор үлес қосып келеді. Бүгінде ол халықаралық ғылым және білім беру кеңістігінде өзінің лайықты орнын алып, жоғары білім саласындағы әлемдік көшбасшы университеттің біріне айналды.

Қазақ ұлттық университеті 2022 ж. QS (Ұлыбритания) рейтингтік агенттігінің ранжировкасы бойынша әлемдік жоғары оқу орындарының ішінде сапа көрсеткіштері бойынша Top-200 университетінің ішінде 150-орынды иеленді. Бұл – талантты, дарынды студенттердің басын біріктіріп отырған мекен. 14 факультеттен тұратын білім мекені – сапалы оқыту әдістемелерімен ерекшеленеді. Әсіресе – Экономика және бизнес жоғары факультеті қазіргі заманғы базамен жабдықталған төрт кафедрадан тұрады. Факультетте техникамен жабдықталған мамандандырылған кабинеттер жұмыс істейді. Сонымен қатар, ғылыми және оқу әдебиетінің бай қорымен жабдықталған кітапхана бар. Студенттер сабаққа мамандандырылған оқу залдарында, оқу-әдістемелік аудиторияларда дайындалады, практикалық, зертханалық сабақтар өтетін және тест түріндегі емтихандар қабылданатын компьютерлік класстар бар.

Кафедра бухгалтерлік есеп және аудит, қаржы саласында бәсекеге қабілетті, жоғары білікті мамандарды дайындайтын кафедра болып табылады. Бұл кафедрада профессор-оқытушылар құрамының сапасын арттыру бойынша жұмыстар үнемі жүргізіліп отырады. Жыл сайын профессорлық оқытушылар құрамы шетелдегі жетекші ЖОО-ға біліктілікті арттыруға барады. 30 артық пән бойынша

қазақ, орыс және ағылшын тілдерінде білім береді. Міндетті пәндермен бірге элективті пәндер де оқытылады. Кафедра бойынша элективті курстардың ерекшеліктері — экономиканың әртүрлі салаларында жұмыс істейтін бухгалтерлерді дайындау кезінде тәжірибелік қызметке көп көңіл бөлінетіндігінде. 2012-2013 оқу жылынан бастап «Есеп және аудит» мамандығы бойынша тек ағылшын тілінде білім алатын студенттер тобы қабылданған. Бүгін біздің студенттер диплом алғаннан кейін нарықта сұранысқа ие, оқу процесін үзбей кез-келген студент халықаралық бухгалтерлік есеп саласы бойынша CIPA сертификация бағдарламасы CAP – сертификатталған тәжірибелі бухгалтерге оқып, сертификат алуға мүмкіндігі бар.

Академиялық мобильділік шеңберінде «Қаржы және есеп» – «Entrepreneurial University as a model for proper managerial interrelation among education, science and innovation development» секілді тағы да басқа көптеген ғылыми конференциялар,

симпозиумдер, көрмелер өткізіледі. Жыл сайын оқытушылар халықаралық ғылыми практикалық конференциялар мен семинарларға қатысады.

Факультет студенттері әртүрлі халықаралық және республикалық конференциялар мен байқауларға қатысады. Экономика факультетінің студенттері тек қана кәсіби дайындықты игеріп қана қоймай, сонымен бірге қоғамдық өмірге де белсенді. Факультеттің жастар комитеті әртүрлі олимпиадалар, белгілі тұлғалармен кездесулер ұйымдастырады. Факультеттен тыс әртүрлі пікірталастар, интеллектуалды ойындар және дөңгелек үстелдер ұйымдастыратын интеллектуалды-дискуссиондық клубтар қарастырылған. Оқу процесін өзін-өзі басқару элементтерін енгізу, жастардың мәдени-жалпылама және спорттық жұмысын ұйымдастыру, саламатты өмір салтын ұстануды насихаттау, оқу-тәрбие процесін жетілдіруге атсалысатын студенттік деканат қызмет етеді. Нәтижесінде студенттер тек қана өз ісінің маманы ғана емес, көшбасшы болып қалыптасады.

**Г.НҰРҒАЛИЕВА,  
әл-Фараби атындағы ҚазҰУ  
Экономика және Бизнес  
Жоғары Мектебі, э.ғ.к, доцент**



**БІЛІМ – САРҚЫЛМАЙТЫН ИНВЕСТИЦИЯ**





